

ALBERTI RITTER
 GYMNASII REGIO-ILFELDIACI
 PRO-RECTORIS ET SENIORIS
 NEC NON ACADEMIAE IMPERIALIS
 NATVRAE CVRIOSORVM
 MEMBRI

SPECIMEN I.
 ORYCTOGRAPHIAE
 CALENBERGICAE

SIVE

RERVM FOSSILIVM

QVAE SVB ADPELLATIONE RERVM NATVRALIVM
 PLERVMQVE VENIVNT

ET IN DVCATV ELECTORALI BRVNSVICO-LVNE-
 BVRGICO CALENBERG ERVVNTVR

HISTORICO-PHYSICAE DELINEATIONIS

CVM FIGVRIS AERI INCISIS
 LAPIDVM QVORVMDAM FIGVRATORVM
 RARIORVM

SONDERSHVSAE A. R. G. MDCCXLI

1422



Gregorius Moral. LXXVI. cap. 8.

Vestigia creatoris per haec, quae ab ipso sunt,
sequendo, imus ad ipsum.



A et Ω.



§. 1.

Tatutum cum animo nostro deliberatumque habemus rogatu atque instinctu quorundam amicorum nobis honoratissimorum et amicissimorum, studio naturali potissimum, nostrisque in hoc conaminibus cum Naturae Curiosis hactenus communicatis fauentium, describere lapides figuratos, et quae insuper memorabilia et notabilia in Terra Hannouerano-Calenbergica occurrunt; quo magis nunc ad hocce humanitatis officium nos devinctos putauimus propter plurima optimaque bona, quibus frui sumus per ipsos triginta annos, quos his in terris Brunsvicensibus commoramur, tandemque in illis prouida Summi Benignissimique Dei Numinis directione singulari praeter opinionem spemque nostram stationem firmam inuenimus, eo lubentius ad testificandum animum nostrum gratum id qualecunque officii in nos sumsimus. Insistemus vero eadem nostra vestigia, quae in

superioribus scriptis a nobis publicatis pressimus, videlicet secundum ordinem geographicum recensebimus omnia, praecognitis quibusdam praemissis ad maiorem rerum intelligentiam facientibus,

§. II.

Ducatus Calenberg iacet intra et circa duo flumina notiora Saxoniae Inferioris Visurgim et Leinam; hanc regionem cum aliis proximis praeis temporibus incoluerunt Cherusci, a) gens omnium Germanorum veterum validissima, bellicosissima, famigeratissima, quorum Dux Arminius, vir fortis ac strenuus tres legiones Quintilii Vari b) ducis Romani fortissimas A. M. 3959. vel A. C. 10. in saltu Teutoburgiensi interfecit, quare ipse pectus suum ex desperatione gladio transfixit, etiam hoc nuncium fatale et triste Romam perlatum cum pervenisset ad aures Caesaris Augusti sic eum commovit, ut per continuos menses barba capilloque submitto incederet, caput interdum foribus inlideret vociferans: Quintili Vare Legiones redde! diemque cladis quotannis moestum habuerit ac lugubrem; rudera satis ampla et conspicua arcis sedisque Arminii adhuc hodie supersunt in monte, qui hinc audit die Hermannsburg, in ipsis finibus Pyrmontano - Lippensibus ad fluvium Emmer, haut procul Pyrmonto, quam Carolus M. vastasse fertur. c) Confines habet hodierno die ab Oriente Episcopatum Hildensem, a Meridie Ducatum Brunsvicensem et Comitatum Pyrmontanum, ab Occidente Comitatus Lippensem et Schaumburgicum, a Septentrione Comitatum Hoyaensem et Ducatum Luneburgicum. In hoc Ducatu Calenberg sunt Abbatia Imperialis Libera Loccum, cuius Abbas Primarius Provincialis status est, porro Monasteria Virginum religionis Protestantium, quae simul tot Praefecturae monasteriales, pro foro suo agnoscentes Cameram Monasterialem Hannoueranam, nominatim Marienwerder, Wunstorf, Mariensee, Barsinghausen, Wennigsen, et Wül-

a) Cumeri Germanis Antiqua libr. III. cap. 19.

b) Cogoonem Varus Romanus nobili familiae Quatillanae propter naturae vitium, quia plures in ea curvis contractisque cruribus, vel obortis placis, *καλὴ ὄψις, ἰσθμὸς ὑψηλός*, fuerint, auctor est Plinius libr. II. cap. 45.

c) Tacitus libr. I. Annal. cap. 55. 65. idem libr. II. Annal. cap. 45. Florus libr. IV. cap. 12. Suetonius in Vita Octavii Augusti cap. 21.

d) Adducta monasteria et Abbatias fundaverunt;

Wülfiginghausen d) his praefuerunt quondam Dominae, quibus vero Rex Angliae et Elector Brunsvico-Luneburgicus Georgius I. clementissime adscripsit titulum Abbatissarum, sub cuius felici regimine etiam pleraque dicta coenobia notissime et splendide sunt exstructa; praeterea habet Praefecturas Electorales, nimirum Calenberg, Coldingen, Ricklingen, Blumenau, Grosen Muntzel, Neustad am Rubenberg, Wölpe, Rehburg, Lauenau, Hallerspring, Wittenburg, Lauenstein; Hastenbeck, Oehsen, Gronde, Bodenwerder, Polle, Ertzen, denique Praeturae vulgo die Vogten Lichen, et praeturae Praefecturalem die Amts-Vogtey Langenhagen, vltima est sub mandato et ditione Magni Praetoris communiter Groß-Begrt, munus certe in Ducatu Luneburgico magnificum et vile, quippe cui parent duodecim Praetores Nobiles, totque Praefecturae quatuordecim, Burgvogtia autem est in vrbe Cella flumini Allerae adsita.

§. III.

Terra huius regionis multiplex et varia, plerumque limosa et pinguis, segetibus idonea, quodammodo humida, praecipue quae fluminibus adiacet, quae facile magna sunt et vehementia, ripasque superant suas, quando imbres maximi, aquaeque e multa nive dilutae defluunt, e) hinc prata sunt fertilissima, quae pecoribus pabula benignissime subministrant, nonnulla terra arenosa, apta culturae hortorum, modo plana, modo montosa et siluestris, ex siluis praecipue sunt der Däster, der Lindesburger Wald, propter venationes et lignationes, insuper ad alendum ignem a rusticis pro-

A 3

ximis

Loccum, Walbrand Comes Hallermondanus A. C. MCLXIII. vel ut alii volunt MCXLVII. regnante Caesare Friderico Barbarossa.

Marionwende, Conradus Comes Rhodensis et Wunstorpensis A. C. MCXIV.

Wunstorf, Diethericus Episcopus Mindensis A. C. DCCCLXXVI.

Marionsee, Bernhardus Comes Woelpensis A. C. MCCLV.

Berlinghausen, Widingkindus Comes Schwabenbergensis & Gottschalkus Comes Pyrmontanus A. C. MCCIII.

Wenigzen, cuius fundator incertus, itemque aetatis fusdationis; monasterium virginum, 2. mil. Hannov. distans; in veteri quodam diplomate appellatur *Wenussen* et *Wesslen*, conf. Polyx. Leyseri Hist. Comitum Wunstorpensium. edit. recentior, p. 50.

Wülfiginghausen, Eques Oddieroda A. C. MCCXXXV.

- e) Hoc malum omnino vniuersae Europae, etiam his terris fatalis, triste, lagubre noxas, attulitque seros ad posterum annum praeteritum MDCCXL. quo inundat-onibus fluminum antea inauditis, tempestatibus procellosis horribilibus lanumeras milliones damnae sunt factae, multa centena sanium in mari et fluminibus fracta, submersa, multa milia hominum, pecorum fluctibus obruta, miserrime vitae priuata, totae regiones euer-sae, plures vrbes, oppida, pagi vastati, deieci, deleti.

ximis Luneburgicis multa turfa, itemque pro fabris ferrariis carbonēs fossiles ex comitatu Schaumburgico inportantur; caret quidem cultura vini atque metallis nobilioribus et vtilibus, verum enim vero primam inopiam duo emporia florentissima Hamburgum et Brema, alteram fodinae metallicae Hercynicae ditissimae compensant.

§. IV.

Aquae notabiliores erunt das *Steinhuter Meer*, cui adiacet oppidulum *Steinhute*, et est lacus coenosus aliquot horas circuitu emetiens, qui abundat varii generis piscibus, praecipue in illo, ni fallimur, pisciculi minores, qui raro digiti longitudinem superant, dicti *Stinte*, f) rectius *Stincke* nominare propter odorem minus suauem et iucundum, quem late spargunt, copiose capiuntur, hi sale conditi, recentesque, farina inuoluti et butyro tostati bonum et titillantem praestant saporem.

Fluius *Visurgis*, qui ex confluentia Fuldae et Werrae ad urbem nobilem florentemque mercatura Ducatus Goettingensis *Mündam* ortum sumit, seque exonerat in mare Germanicum, commodissimus navigationi, etiam piscatu nobilis, inprimis captura esocis delicatioris ad Hamelam munitionibus fortissimis, officinis variis praeclaram urbem.

Linus fluuius, qui oritur in prouincia Thuringica, quae auditur das *Eichsfeld*, prope oppidum huius primarium *Heiligenstadt*, seque effundit in fluuium *Alleram*, piscibus variis suauibus diues, ripas habet demissas, hinc saepius inundatione sua agris, pratis adiacentibus damnum adfert; hunc nauigabilem reddi posse, docuit nauicularius Bremensis, qui naue cibariis onerata praesente aula regia MDCCXL. Hannouerae adparuit.

Riuus *die Aue* fontes habens suos ad oppidulum praefecturale *Einnau*, et riuus *die Haller* ad oppidulum praefecturale *Hallespring* vel simpliciter dictum *Spring* scaturiens, sese infundunt in flumen *Leinam*.

Riuus *die Hamel* ad praefecturale oppidum *Hamelspring* oriens, et riuus *die Summe* ex Comitatu Lippensi profluens sese coniungunt cum *Visurgi* flumine.

Aquae

f) Hi pisciculi non commiscendi cum animalculo vix abeimiili lacertae eiusdem nominis Etc. *Eutit*, uiuens marinis dictum, quod est amphibium, et incola maris Tursi, carens odore, inserviens stimulationibus.

Aquae medicinales heic loci nullae, etiamsi aquae salubres Pyrmontanae fama satis celebratae g) scaturiant in ipsis sinibus Calenbergicis meridionalibus.

Fontes salinarii in oppidulo nomen inde gerente *Salzhemmendorf* Praefecturae *Lauenstein*, hi quando inceperint scaturire, vel quo tempore sint detecti, plane non constat, quæstuosi pro Camera Electorali, et incolae oppiduli quibus potissimum aluntur et sustinentur.

Liquidum denique *in nigro rufum* effluit e fonte, qui est in radice montis *Desteri*, distans ab *Hannouera* circiter quindecim millia passuum versus Meridiem, non recta sed ad occasum, quod bitumen clarissimae fontis aquae innatat; sunt verba *Agricolae* libr. I. Fossil.

§. V.

Haec praefati rem ipsam nunc adgredimur, et vt supra demonstratum est, obseruabimus ordinem geographicum nobis habitenus consuetum in *Oryctographiis*, quas iam publici iuris fecimus, initium igitur faciet

Hannouera vrbs totius Electoratus *Brunsuico-Luneburgici* primaria, nobilissima, opime aedificata, flumini *Leinae* adsita, antiqua, a Duce *Saxoniae Alberto* 1371. muro septa, et priuilegiis exquisitis donata, vt et ab *Ottone Puero Duce Brunsvicensi*, quondam *Hanseatica*, a brachio fluminis dicti in urbem veterem et nouam diuisa, quae altera 1714. ab Electore *Georgio Ludouico* accepit iura urbana, vallo valido, fossa, aliisque munitionibus necessariis cincta, iacet in plano, et in amoenitatibus orarum, inprimis tibi dabunt maximam voluptatem horti ad urbem cultissimi, et siluula iucunda, proximaque, proceris arboribus et fruticibus consita, nominata *die Elgerie*; superbit aedificiis publicis magnifice exstructis, nimirum arce satis ampla, suppellectili pretiosa ornata, cum templo suo, h) amphi-

g) de his legi meretur Excellent. D. Joh. Phil. Esip, Consiliarii Aulici et Archiatri Waldeccensis *Pyrmontische Mineral. Besskr.* *Hannover* 1740. forma octaua.

h) In hoc adseruantur antiquitates Romano-catholicae pretiosae ex Terra Sancta ab *Harico Leone* 1172. *Brunsvigam*, inde vero huc translatae 1671. a Duce *Johanne Fridrico*, vide *Molani Lipsanographum* sive *Thesaurum Reliquiarum Electoralem Brunsvico-Luneburgicum*, qui prodijt *Hannouerae* 1713. exemplar huius pergamena membranis nide inscriptum ab auctore *Clementi XI. Papae Romano* oblatum, et bibliothecae *Vaticanae* illarum.

phitheatro, gazophylacio ditissimo, vere regio; (haec cum iam scripsemus, et prelo typico subicere constituissemus, fama tristissima per omnes finitimas et longinquas terras percubuit de fatali incendio die X. Apr. anni currentis facto, quo repentino et crudeli Cancellaria ciuillis et militaris, Camera Electoralis, aliqua etiam arcis pars vna cum omnibus scriptis, irrecuperabili, certe damnum, sunt consumtae.) porro cancellaria noua, domo procerum prouincialium, curia vrba, armamentario instructissimo, palaestra equestri, stabulo aulico equestri; adhuc templis St. Georgii, St. Crucis, St. Aegidii, Neostadiensi, itemque Reformato et Catholico; Bibliotheca regia, a B. Leibnitio vndique et studiose conquisita, in qua rara historiae Brunsvicensis monumenta adseruantur, i) huc inserta bibliotheca B. Molani Abbatis Loccumensis egregia et praeclara, octo millibus thalerorum emta, Bibliotheca vero Magni Praetoris de Büllo, vltra 40000. voluminibus constans, post huius mortem nouissime institutae Academiae Göttingensi 1734. donata; olim heic quoque in Aula Loccumana non sine animi delectatione lustrabamus B. Abbatis Molani Collectionem raram, sumtuosam, ad quindecim millia thalerorum aestimatam, monetarum antiquarum, modernarum, praecipue historiam domus Brunsvicensis concernentium, k) itemque eius Technophylacium, variis artificijs et naturae singularibus refertum, attamen etiam nunc videri vtique meretur Collectio lapidum figuratorum, rerumque naturalium plurimarum Excellentissimi Dni D. de Hugo, Consiliarii Aulici et Archiatri Anglicano-Regii, singularis et eximia; huic loco debemus primam inuentionem potus Saxonibus Inferioribus gratissimi et communissimi a suo inuatore Cord Broihhan, Zythopoeo nomen gerentis Breyhan vulgo Weißbier, 1526. primum cocti, de quo poeta:

Grandia si summo fierent conuiuia coelo,
Breyhanam superis Jupiter ipse daret.

et

i) de hoc versantur Godofr. Gail, Leibnizii Tomi tres Scriptorum historiam Brunsvicensem illustrantium Hannoverae 1707. publicari.

k) vid. Commentatio nostra Epistol. de Fossilibus et Naturae Mirabilibus Oeyrodonis 1734. publicata pag. 7. seq.

et alius de tempore, quando Bryhana optimi
est saporis:

Mensibus erratis cancrum o mensae fugiatis,

Mensibus erratis chara Brühana sapis;

Brühan cum crescis, cancrorum cauda vilesces,

Cancros dum haud capis, en chara Brühana sapis. kk)

Ad latus Septentrionale fluminis Leinae, cui inpositus est
pons lapideus, pagus Qinden situs, ab vrbe dicto flumine se-
iunctus, in quo Palatium magnificum Comitum de Platen
cum horto suo spatiosissimo, et amoenissimo, l) post hunc
vero lapidina vtilissima, ex qua caeduntur pro erigendis in
vrbe aedificiis caementa, lapidesque calcarii pro calce ex iis
coquenda, varia offendimus in illa strata, in quibus et reperi-
untur lapides figurati multiplicis generis, videlicet

Cochleae marinae maiores tortiles petrifactae communiter
strombidae coloris cinerei, elegantissimae, non vulgari modo
tortae, sed figuram habent cylindricam siue conoideam
gracilem, cui spirae sunt circumuolutae. m)

Tab. sen.
fig. I.

Cochlitae minimi, vix acus globulum superantes, grysei, brun-
ni, lutei coloris.

Lapides lyncis vulgares et parui.

Asteriae bene radiatae, copiose adsunt.

Lapides iudaici a patria dicti, vel melones petrifacti habiti,
elegantiores, rariores, ab apice versus pediculum striis articu-
latis ornati, magnitudine vix duos digitos transversos su-
perantes, nonnulli vix ac ne vix quidem semipollicem trans-
uersum emetientes, plerumque carent caulibus, rari cum il-
lis occurrunt.

Ostreae minores petrifactae copiosiores.

Selenites rhomboidalis a figura dictus, quam retinet, etiam si
in particulas minutissimas diffrangatur, cuius color est
splendens et vel perlucidus instar glaciei Mariae, vel vt plu-
rimum lacteus, obscurus, nec perlucidus; vltus converti-
tur in gypsum optimae notae: hunc transeunt venae luteae

B

pul-

kk) conf. D. Brückmanni Catalogus omnium Focis generum. p. 8. etc.

l) vide sis Oryctographiam nostram Goslarensem pag. 16.

m) quales Lechmann in Oryctographia Hildesheimi pag. 46. describit, depingitque.

puluerulentis instar *ocbrae*, forsan pictoribus vsui esset, si lauaretur, a quisquiliisque purgaretur suis. n)

In agro Lindensi 1736. non minorem in admirationem fluere incepit *Oleum terrae*, quod aduersus varia externa mala et vlcera perniciose efficax remedium adhibitum, quae res mirabilis schedula publica ad notitiam peruenit omnium, o) verum enim vero paruo temporis spacio præterlapso exaruit iterum.

In agris ad urbem vomere a rusticis eruuntur *Lapides lyncis* admodum copiosi, nonnulli habent cavitates conicas marga alba repletas, quam margam mulierculae rusticae secundo rei euentu adhibent medicinam, quando vaccae sanguinem pro lacte reddunt.

adhuc *Echini* pileati, rotundi, aculeis suis priuati, petrifacti, coloris albicantis, diuersae magnitudinis, in tota superficie punctulis et peltis nudo oculo vix conspicuis, quibus inhaeserunt aculei, animal cum viueret, notati.

In ripis Leinae fluminis maxima copia leguntur *Lapides lyncis* plerumque truncati; in iisdem quoque reperiuntur *particulae* minores *succini*, minus perlucidi, coloris albi, flauui, fuscii, nec dubitamus, quin maiores ibi latitent, quando eius venae forte fortuna et cum tempore magis aperiantur; et Agricola lib. IV. Fossil. scribit, succinum e Destero monte effoditur.

Herrnhäusen secessus pro aula sane amoenissimus, vnica horula ab vrbe Hannouera distans, et versus occidentem situs, quo ducit via iucundissima ad vtrumque latus populis altissimis consita, quae nocturno et obscuro tempore praesente aula regia lucernis ardentibus illuminatur, palatium est magnificum optima ac elegantiori supellectile exornatum, cum horto spatiosissimo, amoenissimo, laetis viridariis, flexibus, xystis, cassis frondeis, theatro artificioso ex sepibus viuus, pomis aurasionensibus, ad quas arbores recipiendas hyberno, frigidiore tempore duae magnae domus splendide exstructae, arboribus aliis

exo-

n) Excellentissimus D. Brückmann, scitissimus rerum naturalium interpres in Epist. Itinerar. VII. Epist. lin. XLVII. p. 3.

o) Nachricht von der wunderbaren Deliquelle des Eindens und derselben Wirkung.

exoticis, floribus rarioribus, suauissimis, tulipis lectissimis, praecipitae aquae lapsu iucundo, fontibus salientibus arte factis instructissimo, prae omnibus fons maior omnino mirabilis, qui eruat aquam in altum ad centum et quinquaginta pedes, latitudinem diametralem trium pedum emetientem, opus molitoris Anglicani sane stupendum, antea inauditum, sumtuosissimum, plus namque tonna auri in eo est consumpta, artificium constat in machina pressoria vulgo ein Druckwerck ad brachium fluminis Leinae aedificata, qua aqua propellitur in tubis plumbels maioribus, ferrei enim sunt rupti, et pressioni aquae vehementiori resistere nequiverunt; hortus est circumdatus alta lataque fossa, aqua et delicatis piscibus plena, cui innatant cygni plures, qui tuentur et aluntur, cui etiam inpositae nauiculae in aulae delectationem. Hoc in Paradiso terreno ambulans more sueto Magna doctissimaque Princeps, haeres legitima Coroniae Anglicanae *Sophia* ex improviso placide tamen in sinu carissimae suae *Carolinae* nurus ipsius quiescens animam efflavit, inque paradysum caelestem migravit; Magnus quoque Imperator Russiae Magnae *Petrus I.* in itinere ad aquas salubres Pyrmontanas bis heic diuersatus, et captus mirifica loci suavitate aliquot dies heic commoratus.

Inter lapides, arenas, sabulum et terram, quae ex fossis pro aqua ad machinas hydraulicas ducenda factis effossa et eiecta ipsi 1721. praeseates reperimus:

Lapides lyncis minores.

Asterias radiosos pentagonos pulcerrimos.

Echinitas.

Particulas testarum echinorum dilaceratarum.

Corallia marina varia petrifacta in lapidibus corneis diffractis.

Lapides mathematicos, laeves, politos, figura rotunda, ovali, triangulari, multangulari, reliqua. p)

Neostadium ad montem raparum cognominatum, Neustadt am Rügenberg, oppidum cum arce in plano situm, quod praeterfluit flumen Leina, tam urbem, quam arcem Dux Brunswicensis

sis Ericus Junior 1573. vallo peculiari valido, lataque fossa, non minus aliis munitionibus cinxit, nomenque huic nouo munimento indidit *Vandestrost*, sed nominatio haec iam diu in obliuionem venit, etiam munitiones in singulos annos vetustate dilabuntur.

ad hanc urbem in strato lutoso, argillaceo nigro-cinereo, tenaci latent *ostreae* petrifactae coloris caesii, maiores minoresue, maximam priorum in nostris scriniis adseruamus, quae ad manus nostras peruenit, et emetitur longitudine septem fere pollices, latitudine quatuor pollices transuersos, in cuius superficie externa, rugosa haerent fragmenta adglutinata paruorum austrearum.

in alio strato latent *Belemnitae*, alias lapides lyncis, Germanis *donnerstrahl*, *teufelsfinger*, graciliores, plerumque fracti, duo ex his exemplaria possidemus adhuc integra, id quod rarissime euenit, quare in eius extremitate parua cavititas conspicitur, qua inhaeserunt corpori, videlicet echino marino, cuius aculei quondam fuerunt.

in alio *Turbines* minimi naturales, formosissimi, quorum nonnulli propter paruitatem suam visum nostrum fugiunt, et vix nisi armato oculo capiuntur, iacent in superficie lapidis scissilis cani admodum friabilis.

Turbines adhuc alii maiores in lapidem conuersi, eidem lapidi scissili friabili inuoluti.

Adhuc massa elegans ex meris *turbenitis* petrifactis variae magnitudinis constans, qui succo lapidifico et indurato coaluerunt in vnum corpus, satis grandes tabulae huius ex insula, quam flumen Leina ad oppidum format, extrahuntur. Monuimus iam alio tempore data occasione, & in alio scripto, q) crusta exterior minime formosa horum turbinum abrasa, potius vi remota, vix namque hic labor facile et sine laesione peragitur, turbinem multo formosissimum et splendidissimum adparere, qualia petrifacta Bononia Italorum adlata solent esse, quae nuper demum in manus

q) nimirum in Oryctographia nostra Goslariensi pag. 26. not. II.)

manus nostras peruenerunt, et in scriniis nostris repositimus. r)

in alio *globuli* cani, non admodum duri, in quibus, quando franguntur, adparet corpus quoddam rude, informe, splendentibus squamis nigris piscium instar tectum.

in alio renes lapidei oblongi et crassi, coloris brunni, qui maleo dissecti continent integrum *gammarrum marinum* cum crusta, chelis et pedibus. In Museo Excellentissimi D. de Hugo Archiatri regii instructissimo supra laudato aliquot harum exemplaria adseruantur. Tab. sen. fig. II.

in alio *Conchae* bivalues minores, laeues, partim testa sua priuatae, partim testa sua gaudentes, et quidem vel alba, vel nigra, vel lutea, vel brunna, vel ruffa, vel denique variegata, quales videntur in conchis marinis ad littora Hollandica, vulgo an den Schevelinger muscheln, partim in matrice adhuc haerentes, partim quassatae, partim testam confractam exhibentes, quae tanta adsunt copia, ut currum quadriiugem illis onerare possis.

in alio *Cornua Ammonis* spiris intortis ad instar cornu arietini.

in alio, insulae in Leina flumine ad latus dextrum pontis sitae, *Belemnitae* seu radii echinorum marinarum integri, fracti, priores occurrunt rariores, posteriores vero frequentiores.

in alio *lapides peculiare*s albidis coloris, quo nomine adpellandi nos cum aliis, qui illos viderunt, ignoramus, ex meris paruis pyramidibus compositi, quarum vnus basis apici alterius firmiter adglutinata.

in alio tandem strato *lapides* argillacei, politi, laeuigati, perforati *cavis rotundis et oblongis*, quos putes domicilia insectorum. s)

Immo nullo non tempore aquarum imperus, et inunda-

B 3

tiones

r) Elegantiores horum exemplaria sere auidè excusa nobis dederunt Venerand. D. Byrmeister in Catalogo suo Appar. Curiosor. pag. 51. tab. 24. et Excellent. D. Brückmann in Thesuro suo Subterr. Ducat. Brunsv. pag. 124. tab. 74. qui et Specimen quoddam possidet, in quo singulorum Turbatarum capitales pyrite auro splendens refertae, seu quorum nuclei sunt pyriticosi.

s) Excellentissima D. Brückmann Spat. Miner. VII.

tiones alia rerum naturalium, antea incognitarum, strata detegunt.

Calenberg in monte sita, t) ad cuius radices flumen Leina præterlabitur, arx antiqua, quondam munitissima, muris, turribus validis, altaque fossa pro veterum muniendi more cincta, tempore belli tricennalis pestilentissimi quidem ad aliud quod tempus domui Brunsvicensi vi armorum erepta, sed simili iure a Duce Friderico Ulrico 1633. recuperata, et a Duce Georgio Wilhelmo optime renouata; priscis temporibus sedes quorundam Ducum Brunsvicensium, nominatim Wilhelmi Senioris, Friderici, Erici I. et Erici II. qui hinc Duces Calenbergici dicti; sub regimine Electoris Brunsvicensis Georgii Ludouici ob certam rationem status ad solum diruta, cuius ex ruderibus in valle sub monte iucundissima nova domus praetoria cum ceteris aedificiis oeconomicis, hortis, stabulis, aliis, splendide exstructa.

Huius in agris leguntur:

Turbines maiores, ex lapide calcario albicante constantes, quos delineatos videre poteris in celeberrimi D. Brückmann Epist. Itiner. u)

Belemnitæ siue radii echini marini frequentiores. w)

In lapidina domum inter praetoriam et arcem vastatam prope flumen Leinam reperiuntur *Globi marcasitacei* lapidi durissimo cano inclusi, nonnulli horum gibbosi, alii quasi torno facti, communiter ponderant sex vel octo semuncias.

Chamae laeues ex margâ crebrae, in quibus laminas testaceas sibi inuicem superinpositas, quarum successiva appositione grandiores quondam factae fuerunt conchae illae, oculis distincte cernere, immo, si lubet, facili etiam a se inuicem licet separare negotio. x).

Dens

t) de hac Merian in Topographia Brunsvic. pag. 65. scribit: Calenberg citiraltet Jüest, Brunsvicico-Lüneburgisches herrliches, und unter allen des Fürstenthums Calenberg das vornehmste ansehnliche; die (sehr) alten sind an der und wießen sehr fruchtbar, mangelt ihm auch sonst an Früchten und Holzungen gar nicht.

u) Epist. Itinerar. VII. 126. I.

w) Celeberr. D. Brückmann Epist. Itin. 61. pag. 4. 1.

x) D. Roovers de Lithorois et Lithophytis pag. 8.

Dens maxillaris maior 1740. ex fodina argillacea eruta, ponderans ipsas quinque libras. y)

In hac Praefectura Calenberg iacent pagi sequentes:

Wilsen, ubi in lapide calcario reperiuntur *Globi marcasitacei*, alias ova Philosophica, laeues ac rotundi, quasi torno facti diuersae magnitudinis, interdum quoque duo sibi inuicem cohaerent, malleo diffracti splendent, color internus est argenteus, externus vero martialis, qui satis indicat, pyritem esse ferreum et durabilem, nullum enim continet vitriolum. z)

Hallerburg arce quondam munita famigeratissimus, quam permissu Ducis Brunsvicensis Wilhelmi Victoriosi ciues Hanouerani, Partenses et Eldagsenses, multa mala inde perpassi, 1435. fregerunt, aq̃ue fundamentis proruerunt.

in huic proximo colliculo der *Abrahamshügel* dicto ipsi praetereuntes collegimus quondam *Trochos*, *Räden*, *Spanngestlein*, albissimos, elegantissimos, itemque *Asterias* formosissimas et singulares, acuminibus subrotundis, in superficie quoque stella caelo quasi insculpta conspicitur.

Altstein, ubi inueniuntur *Terebratulæ striatae* formosae, maiores minoresue, valua inferiore in oppositam partem reflexa. aa.)

Bandeln, in hoc nobiles de Bennisgen habent possessiones viles, cum horum domus nobilis ante aliquot annos noviter extructae fundamenta effoderentur, simul eruebantur duo *Ammonis cornua* maiora *marcasitacea* elegantiora latitudinem diametralem trium transuersorum digitorum cum dimidio habentia. bb)

Brügge ipsi flumini Leinae adsitum, quo in sunt praedia Nobilium de Steinberg egregia, saxa vastissima ex meris *Trochis* conflata ex huius loci lapidina exciduntur, quibus domos aedificare possis.

Endmehrschende, in agris finitimis *Lapides lyncis* coloris lucido-cineracei maxima copia inueniuntur. Eauens

y) Dr. Keßler *Neueste reisen* Tom. I. pag. 123.

z) Curiosus. D. Brückmann *Epist. Itin.* XXXVII. pag. 17.

aa) quales describit depingitque Langius de *Lapid. Figur.* Helvetiae pag. 161, Scheuchzer in *Oryctogr.* Helvet. pag. 290. seqq. *Oryctogr.* nostra Goslar. pag. 11.

bb) Excellent. D. Brückmann *Epist. Itiner.* VII. tab. II.

Eauenstein arx in monte praealto exstructa, his nostris temporibus diruta et deserta, cuius rudera residua admodum conspicua supersunt, quae priscis temporibus ad Comitatum Homburg antiquissimum, celeberrimum pertinuit; ad montis radices iacet oppidulum praefecturale eiusdem nominis **Eauenstein** in regione foecundissima et vberima, quae ab incolis adpellatur *die Eauensteiner Börde*. cc)

In hac praefectura siti sunt pagi:

Marienhausen, vbi in area communi villae rusticae rivulus oritur, qui simul, praesertim quando caelum tonitrua et fulgura emittit horribilia, euomit varia figurata marcasitacea elegantissima, quae ipsi praesentes ex indicato rivulo extraximus, ordine nunc recensemus, et sunt:

Cornua diuersi generis atque variae magnitudinis, vltima tamen vix in diametro excedit duos digitos transuersos, nimirum:

Cornua Ammonis eleganter striatum et verrucosum cum ornamentis foliaceis et dorso laeui.

Cornu Ammonis minus superficie plane laeui.

Cornu Ammonis superficie laeui, lineolis foliaceis plane vt dendrites pictum, quae ramificationes nihil aliud sunt quam vestigia articulationum cornu externa.

Cornu Ammonis lineis simplicibus elatis et rectis, versus dorsum curuatis praeditum cum dorso laeui, quodammodo acuto.

Cornu Ammonis lineis furcatis signatum cum dorso vel acuto vel lato.

Cornu Ammonis integris seu per dorsum continuis striis, iisdemque simplicibus et densis instructum, in medio perforatum.

Cornu Ammonis lineis furcatis et dorso laeui atque lato praeditum, insuper per omnem volutae ambitum gemina tuberculorum aut verrucarum serie ornatum.

Cornu Ammonis striis elatioribus et vndulosis, habens spinam dorsī extantem articulatamque.

Cbr-

Tab. sen.
fig. III.

Cornu Ammonis subtiliter striatum, armatumque pyrite splendente sulphureo. dd)

Lapides stellares minores, quinquangulares omnes, singulares, et rarissimi quamvis occurrant, nonnulli gaudent acuminibus praeacutis, nonnulli subrotundis, etiam in vtraque superficie adparet stella articulatim et clare signata. Tab. aen. fig. IV.

Alueolus Luidii rarissimus marcasitaceus, admodum splendens. Tab. aen.

Concha bivalvis striata formosa. fig. V.

Conchae bifoniae vel fluuiatiles, vel *Musculitae*, vel *Mytilitae* bivalues.

Conchae venereae minores elegantissimae, rarissimae, aliae crusta marcasitacea inuestitae, aliae naturales, sed in lapidem conuersae, aliae integrae et pulcherrimae, aliae compressae, fractae et inordinatae.

Articuli frequentiores *cornuum Ammonis* elegantissimi cum ornamentis foliaceis, vel etiam sine his.

Massae Marcasitaceae adhuc inconditae et imperfectae, modo cornu, modo conchae similitudinem habentes.

Descripta figurata marcasitacea carent vitriolo, hinc in perpetuum durant, nec ulli corruptioni obnoxia, ac illa solent, quae vitriolo praegnant, hinc facile ab aere ambiente in pulcrem rediguntur.

Trochi minores.

Dactyli diabolici seu lapides lyncis nigri in proximis agris leguntur copiosi, alter horum, quos possidemus, grandior medium diffissus, includit minorem dactylum coloris badii et perlucidi, alter extrinsecus cavitatem admodum conspicuam a vertice ad calcem praeditur.

Saltzhemmendorf oppidulum ad riuum *Saale* iam supra descriptum, vbi inueniuntur:

Conchae laeues sinuoso margine praeditae.

Conchae Venereae.

Ostreae minores, minimae, argillae inclusae.

C

Massa

dd) Horum delineatorum *Cornuum Ammonis* ecripta aeri eleganter et distincte incisa videre licet in venter. D. Byrtenmeister Catal. Car. tab. XXII. fig. 568. 599. Encell. D. Bruckmann in Epist. Lincei, XLIII. tab. I. et II.

Massa lapidea, cui matrices concharum striatarum minimarum eleganter et distincte inpressae.

Supra hoc oppidulo iacet silua nominata
des Ofterwald, in qua offenduntur:

Mytilitae nitidi.

Lapides lyncis coloris cinerei et badii.

Turbenitae minores striati, formosissimi.

Cornua parua marcasitacea foliis eleganter picta, alia nodosa; adhuc parua *cornua* lapidea furcatis striis notata.

Tab. aen.
fig. VI.

Turbo etiam hinc nobis transmissus integer, sane formosissimus, helicibus distinctissimis praeditus, longus est tres pollices et semi, latus in parte superiore pollicem ipsum, et semi, iacet denudatus, vitroque lapidis latere aperto, in matrice sua lapide nimirum calcario cinereo.

Sulphur natium formosissimum in lapide arenoso albissimo latitans coloris flavidissimi, saepius succini instar per lucidum, hoc omnibus reliquis, quae in nostris scriiniis adseruamus, vel vniquam vidimus, optimo iure anteponi-
mus; conuenit prorsus cum sulphure Bacciaci Heluetiae.

Carbones fossiles optimi, ex horum fodinis Camerae Electorali quotannis redeunt aliquot millia thalerorum, iuxta has officina vitriaria exstructa, atque cognominata die *Lauensteiner Glasbhütte*, cum domicilio bono, et aliis aedificiis ad vsum necessariis, quae propria et haereditaria familiae Bremerianae in hac paratur vitrum optimum, quod albedine et gravitate vitro Anglicano equiparatur. Beneuolus Lector nobis ignoscat, si hac optata occasione simul commemoramus, nos praesentes heic obseruas-
se vehiculum curiosum, cui loco rotarum adplicati con-
decutati, quod currebat inter positas duas trabes, hoc modo vnicus vir facili negotio et sine omni molestia aliquot centumpondia ante se protrudere poterat. Hanc machinam debemus B. Abbati Schmidio, cuius fidelissi-
mi quondam in Alma Julia praeceptoris nostri et hospitis, Patroni non minus summi cineres adhuc debite venera-
mur, quam monstrauit auditoribus in Collegio suo Curio-
so, sibi quae primam eius inuentionem adtribuit. Pa-

Pagus *Pevedaggen*, vbi reperiuntur:

Lapides Judaici maiores, minores, minimi, cum et sine petiolis, nomen gerunt a patria sua Judaea, vbi in monte Carmel Syriae prope monasterium Brocardi, cuius cadauer modo his nostris diebus superest, ostenditur dictus campus melonum, in quo conspiciebantur quondam maxima copia, hodie sunt rariores, melones petrifacti diversae magnitudinis, qua de re mirabili fabula circumferitur, Prophetam Eliam suo tempore ab hortulano eiusdem loci rogasse melonem, qui non melones sed lapides esse, quos videret, prophetae friuole respondit, factum autem, vt omnes melones statim in genuinos lapides mutati sint. ee) a Plinio hic lapis nominatur *Tecolithos*, *Eteinschmeltzer*, a medicis enim efficax remedium habetur contra lithiasin.

Meinbrexer, ad hunc pagum inueniuntur

Globi intus crystallisati in fossa argillacea, eiusdem fere generis, quales reperiuntur in fluuio-Mulda Saxoniae. ff)

Mehlen, ad hunc leguntur:

Cornua mareasitacea minora striis furcatis et verrucis elegantior ornata.

Cornua lapidea parua, foliata, laeui, nodosa, splendentia.

Conchulae lapideae anomiae, venercae, minimae, splendentes.

Conchulae bufonum et rugosae, nitidae.

Matrices cornuum paruorum, lapis est siliceus.

Arenfeld, hoc loco inueniuntur:

Aseritae quinquangulares et columnares elegantes.

Turbenitae minimi, pulcerrimi.

Ertzen oppidulum praefecturale ad riuum *Greisheim* situm cum domo praetoria et reliquis aedificiis oeconomicis ex lapidibus nouissime et bellissime exstructa; ad hoc sunt fodinae margaceae optima, qua marga rustici agros suos loco fimi refouent, et agri hac redduntur fertilissimi, in his fodinis quoque

ee) von Troilo *Orientalische Kräftebeschreibung* pag. 68. 12.

ff) *Mythili Saxonica Subterranea* Part. II. pag. 4. 12.

que offenditur stratum ochrae, quae continet frequentiores globos marcasitaceos, aculeatos, laeues, cetera, a plebeis Mergelnüsse adpellatos, itemque crystallos elegantissimas, splendidissimas, gg) quales et in finitimo Comitatu Pyrmontano lapidi calcario cano globoso inclusae reperiuntur, hh) inque agris ad oppidum Lude, et ad Arminii montem aratro erutae, vel imbris nudatae leguntur.

Attamen pedem heic figimus, nec ulterius progredimur, breuior quum via delectet, longior sit omnino molesta, et quae adhuc supersunt, conseruamus in aliud iter curiosum hunc in finem bono cum Deo suscipiendum; interim circa clausulam omnes atque singulos in terra Hannoverana rerum naturalium studiosos et amatores ea, qua decet, obseruantia vehementer etiam atque etiam oramus et obsecramus, velint nostrum propositum beneuole iuuare, ac nobiscum ea liberaliter communicare, quae pertinent ad historiam naturalem Ducatus Calenbergici supplendam, eamque pleniorē conscribendam, nostra vicissim illis officia qualiacunque offerimus, sancteque promittimus, nostris Hercynicis rebus naturalibus, sane non vulgaribus, ipsa quidem re debite remunerare omnia.

gg) de his vide sit Schediasma nostrum de Nucibus Margaceis 1740. publicatum.
hh) Excellent. D. Geop L. c. pag. 253.



005652.661